

KEV KOOM TES
TXHAWB NQA DEJ
NUM

DAIM NTAWV QHIA
TSWV YIM

Kev kawm ntawv tus kheej: Cia tus me nyuam los koom nrog thiaj yuav npaj tau txoj kev kawm ntawv zoo

IEP: Involving the student is important for a successful Plan—Hmong
Version

Tsab ntawv teev kev kawm ntawv tus kheej yog ib qho tseem ceeb ntawm koj tus me nyuam txoj kev kawm ntawv. Ib tsab ntawv teev kev kawm ntawv tus kheej yuav tsum zoo tam li ib txoj hau kev qhia kom kawm tau ntawv zoo mus, uas yog tsab tsim muaj txoj kev kawm raws li qhov tus me nyuam kawm tau uas yuav txhawb txog qhov kawm tau ntawv thiab txawj ntse ntxiv mus.

Kev sib tham los npaj kev kawm ntawv tus kheej li ib txwm muaj los mas yuav muaj cov neeg sawv cev tsev kawm ntawv, cov kws qhia ntawv (tsam puav mas yog tus qhia ntawv rau ib tsoom thiab tus qhia ntawv tshwj xeeb tib si), tus kws xyuas kev kawm tau ntawv, niam txiv, tej zaum tsev neeg yuav coj cov phooj ywg los yog tus kws txuj tsev neeg paub tuaj nrog, thiab tus tseem ceeb kuj yog tus me nyuam uas yog tus yuav tau txais txoj kev kawm ntawv thiab cov kev txhawb nqa raws li qhov tsab ntawv teev cia.

Yog hais txog qhov cov neeg laus tuaj sib tham txog tus me nyuam mas yuav tsis yog lub tsam thawj zoo caw tus me nyuam los koom los muaj. Pab neeg no yuav siv ib los yog ob teev coj los teb cov lus nug kom tag, muab kev sab laj thiab muab kev txiav txim siab txog tus me nyuam txoj kev kawm ntawv. Qhov no kuj tsis paub tias cov me nyuam hluas yuav los to taub lub tswv yim sib tham npaj kev kawm no tau zoo npaum li cas.

Koj muaj cuab kav txhawb tau koj tus me nyuam los tswj nws lub rooj sib tham thiab tswj txoj kev taug no tau li cas? Koj yuav qhia tau li cas rau tus me nyuam kom nws txhob txhawj vim nws muaj cai los koom tau? Ntxiv no mus yog cov tswv yim yuav pab tau:

Xyuas kom meej tias koj tus me nyuam paub tias tsab ntawv no yog dab tsis tiag.

Tsab ntawv teev kev kawm ntawv tus kheej tsis yog kev npaj kawm ntawv uas teev muaj cov caij nyoog kawm ntawv txhua hnuv xwb, koj tus me nyuam yuav tau ua raws li qhov teev muaj nyob hauv tsab ntawv no thiab kawm kom tau raws li

qhov tsev kawm ntawv hais tseg. Tiam sis, tsab ntawv no tau tsim los hais txog kev hloov kho hauv kev kawm ntawv thiab kev loj hlob paub tab, kev qhia ntawv tswj zias raws li qhov kawm tau, kev ntsuas seb kawm tau ntawv li cas, thiab qhov kawm tau los yog txawj ua tam sim no.

Qhov tiag ces tsab ntawv no yeej muab koj tus me nyuam los ua tus kawm kom tau raws li qhov tau npaj cia, tiam sis tsev kawm ntawv yuav tau los saib seb tus me nyuam seb nws puas ua tau thiab kawm tau ntawv raws li cov hom phiaj tau teev cia. Muaj ntau zaus mas, tsab ntawv no yuav teev muaj tias, “Npis yuav tsum ua nws cov ntawv kawm (homework) thaum lub caij nws los saib ntawv nws tus kheej ib puas feem txhua zaus,” tiam sis ho tsis muaj qhov npaj cia tias yuav muab qhov nws kawm tau raws lub hom phiaj no coj los sau tseg li cas. Txawm yuav tau ua dab tsi los, tsev kawm ntawv yeej muaj qhov feem xyuas tib yam nkaus li koj tus me nyuam los xyuas seb nws puas ua tau raws li qhov tau teev cia nyob hauv tsab ntawv no. Cov neeg npaj tsab ntawv teev kev kawm ntawv tus kheej no yuav tau xyuas lwm txoj kev los tshawb xyuas kom meej pem tias koj tus me nyuam yuav ua kom tau raws li qhov nws muaj cuab ua tau.

Qhia rau koj tus me nyuam tias tsab ntawv teev kev kawm ntawv tus kheej no yog nws txoj kev npaj kawm ntawv thiab qhov nws xam pom yog qhov muaj nqis heev.

Thaum tus me nyaum to taub tias nws muaj txoj cai los kom lub rooj sib tham npaj nws txoj kev kawm lawm, txawm tsis yog yuav muaj cai txiav txim tias yuav yuav li cas kiag los, nws muaj cai los tawm suab tib yam nkaus li lwm tus lawm ces, lub rooj sib tham no kuj yuav tsis ua rau nws txhawj heev. Qhov tiag, kev sib tham no muaj cuab kav ua rau nws swm tau vim tsis yog qhov nws los koom tes tawm tswv yim pab nws xwb, tab sis kuj yog qhov ua rau nws ntseeg tau nws tus kheej vim nws tau ua tej no los pab nws lawm thiab.

PACER CENTER
CHAMPIONS FOR CHILDREN WITH DISABILITIES

8161 Normandale Blvd
Minneapolis, MN 55437-1044

Tus xov tooj hais ua lus yog:
952.838.9000

Tus xov tooj hu tau dawb
hauv xeev MN yog:
800.537.2237

Tus xov tooj ntaus ua ntawv
hais yog: 952.838.0190

Email yog:
PACER@PACER.org

Web site yog:
www.PACER.org

Yog koj tus me nyuam muaj caij los hais ntau npaum li cas ces, kuj yuav yooj yim rau nws yav tom ntej. Qhov no mas yog ib qho tseeb nyob hauv txoj kev sib tham npaj kev kawm ntawv li hais no. Qhov koj tus me nyuam hais tau yuav yog qhov muaj nqis heev vim yog nws hais raws li qhov nws xav tau. Piv txwv li, yog koj tus me nyuam xav mus koom kev ua si tom qab tsev kawm ntawv kaw lawm, cia kom nws hais qhov nws xav tau no rau sawv daws paub. Hais li no rau cov neeg uas muaj feem los npaj kev kawm rau nws yuav ua rau nws txawj los pib npaj ua kom tau raws li qhov nws nyiam.

Yog koj muaj tus me nyuam hluas, koj yuav tau faj txog cov kev pab txhawb hloov lub neej nyob hauv tsab IEP thiab yuav tau muab coj los qhia kom nws paub meej.

Thaum tus me nyuam muaj 14 xyoos, nws yuav tsum muaj cov kev pab txhawb hloov lub neej rau nws. Cov kev pab txhawb hloov lub neej mus yuav tsum muab sau rau hauv tsab ntawv IEP kom meej pem los pab kom nws muaj kev hloov lub neej zoo mus rau yav laus. Txhua yam xws li kev lom zem, kev nyob tau tus kheej los mus rau kev xyaum ua hauj lwm yuav tau muab coj los npaj kom txhij raws li qhov koj tus me nyuam nyiam ua. Yog koj tus me nyuam muaj cov hom phiaj nws xav ua rau tam sim no los yog yav tom ntej, koj yuav tau cob qhia kom nws hais tawm tej no rau pab neeg npaj kev kawm ntawv rau nws raws li qhov nws yuav hais tau, xws li muab qhov nws xav tau coj los sau rau hauv ntawv los qhia rau pab neeg no, tham qhov nws nyiam no rau sawv daws mloog nyob hauv lub rooj sib tham npaj kev kawm, los yog qhia rau koj xwv koj thiaj paub muab coj los tham tawm rau sawv daws.

Txhawb kom koj tus me nyuam cuag tau ib tug ntawm pab neeg no nyob rau lwm lub caij.

Yog koj tus me nyuam muaj cuab kav tham nrog ib tug uas muaj feem los tsom kws xyuas nws txoj kev kawm ntawv thiab kawm tau li cas nyob hauv tsev kawm ntawv tas li, tus me nyuam yuav muaj cuab kav hais qhia qhov nws txhawj xeeb los yog lwm qhov teeb meem nrog tus no tau. Txoj kev sib paub li no yuav ua rau nws tso siab hais tau yam tsis tas yuav muaj ib tug los txhob kom nws hais li. Tus no kuj yog ib tug ntawm pab neeg npaj kev kawm uas tseem muaj cuab kav ua tau tus hais qhia qhov koj tus me nyuam xav tau rau pab neeg npaj kev kawm txhua tus.

Qhia rau koj tus me nyuam paub tias txawm yuav hloov kho tej yam hauv tsab ntawv IEP no los yeej tsis ua li cas.

Ib tsab ntawv teev kev kawm ntawv tus kheej tsis yog tsab sau lawm ces yuav ruaj cuag pob zeb; yog cov kev npaj los pab nws no pab tsis tau nws raws li qhov nws yuav ua tau ces kuj yuav tsum tau muab coj los hloov kho. Txhua yam teev muaj nyob hauv tsab ntawv no yuav muab coj los sim ua thiab yuav muaj tej yam pab tsis tau, thiab yog muaj dab tsi pab tsis tau raws li qhov nws xav los, yuav tau muab qhov ntawd coj los kho dua kom los pab tau nws mus. Qhov tseem ceeb mas koj tus me nyuam yuav tau paub tias nws muaj cai thiab muaj feem xyuam los muab tej teeb meem ntawm nws txoj kev kawm li tau npaj cia coj los qhia rau pab neeg npaj kev kawm no los yog muaj cai los ua ib tug ntawm pab neeg npaj kev kawm no. Tsev kawm ntawv muaj feem xyuam tib yam nkaus los xyuas qhov nws kawm tau nce qib thiab txheeb xyuas tej teeb meem muaj nyob hauv nws txoj kev kawm, xwv thaum ho muaj ib qho teeb meem tshwm sim tawm tuaj los, tsim nyob caw sawv daws rov tuaj sib tham txog qhov ntawd dua los yuav tau caw.

Ua raws li qhov taw qhia no, koj muaj cuab kav pab tau koj tus me nyuam kom nws tso siab los koom npaj nws txoj kev kawm ntawv, uas yog qhov yuav los npaj kom tau txoj kev pab kom nws kawm tau ntawv mus.